

c. i. DE TIBIIS V E T. 151

quamvis non approbet hujusmodi Deorum fictitorum cultum, Adv. Gent. lib.

7. Quid sibi volunt excitationes illæ, quas canitis matutini, collatis ad Tibiam vocibus? Condormiscunt enim superi, remeare ad vigilias ut debeant? quid dormitiones illæ, quibus bene ut valeant auspicabili salutatione mandatis. Somni enim quiete solvuntur, occupaque ut possint lenes audiendæ sunt næniae.

Ad Tibiam expergefactos esse alios videtur ex Seneca colligi posse Epist. 15. Quidni malit, inquit, quisquis vir est, somnum suum classico quam symphonia rumpi. Ex fonte medico remedia hæc tangit Paulus Aeginetæ lib. 1. cap. 98. ubi de sanorum vigilia agit, siquidem igitur, ait, aut ex mærore, aut ob curam, aut animi affectum quempiam vigiliis torqueantur: primum quidem id quod mærorem facit, si fieri queat, præscindemus. Deinde etiam jucundiorum sonorum auditu, cogitationem ab illis abducemus. Lacedæmonii lite-

G 4 rarum